

Տաք կոիւններ տեղի ունեցան և՛ Եկատերինֆելդի ուղղութեամբ, ուր վրացիները զբաւեցին Դադէթ-Պաչէն գիւղը, և՛ Շուլաւերի շրջանում, Սարաչլու գիւղի ճակատում, ուր մերոնք յետ մղեցին վրացական մի շարք կատաղի գրոհներ: Այսպիսով, վերջնականապէս ջարդ ու փշուր եղաւ զօր. Յուլուկիձէի զօրամասը, և Յուլուկիձէն ինքն էլ փախաւ մաղապուրծ՝ շրջակայ թուրքերի օգնութեամբ:

Դրանից յետոյ, վրաց հրամանատարութիւնը փոխւեց. Յուլուկիձէի փոխարէն նշանակւեց զօր. Մազնիւր: Վրացիները շարունակեցին շտապով հասցնել նոր զօրքեր ու թնդանօթներ և պատրաստուել ընդհանուր յարձակման:

Դեկտ. 24-ին փոխ-գնդ. Կորոլկովը հրաման ստացաւ շարժելու Շուլաւերի վրա, որը ենթարկւել էր վրացիների յարձակման. միլիցիոն գունդը երկու օր է դիմադրում էր հակառակորդի սաստիկ գրոհներին: Դեկտ. 25-ին, երբ հասան Կորոլկովի ուժերը, վրացական 5 գրոհ յետ մղեց՝ մեծ կորուստներով թշնամու համար: Սարաչլու գիւղից դէպի խճուղին տանող տարածութեան վրա բոլոր վրացական դիրքերը մաքրւեցին. վրացիները կռիւ դաշտում թողին 86 դիակ:

Ցերեկայ ժամը երկսի մօտերը, վրացիները, Թիֆլիսից հէնց նոր հասած ու վազոններից դուրս եկած մօտ 1500 մարդով, ուժեղ հրետանու ընկերակցութեամբ, դիմեցին յարձակման Շուլաւերի խճուղու շրջանում, Աչաղա-Սարայլ կայարանի մօտ: Շուլաւերի վրա թռչում էին վրաց սաւառնակները և նետում ուռմբեր: Մերոնք հակադարձակումով թշնամին յետ շարժուեց և Աչաղա-Սարայլը տրւեց մեր թնդանօթների կրակին: Այս կռիւներում ուռմբի կտորներով երեք տեղից վերաւորեց անվեհեր տեղակալ Կուռօ Թարխանեանը և սպանեց միլիցիոն գնդի սպայ Տէր-Գրիգորեանը:

Այս ձևի կռիւները, գրոհներն ու հակադրոհները շարունակեցին անընդհատ, մինչև դեկտ. 28:

Մինչ ճակատում հոսում էր արիւնը, Թիֆլիսում դաշնակիցները միջոցներ էին փնտռում՝ վերջ տալու համար արիւնհեղութեան: Դեկտ. 25-ին անգլիական զօրավար Ռայկրոֆտի, Փրանսական գնդապետ Շարդինիի և Ժորճանիայի կողմից ստորագրւեց մի համաձայնագիր, որով «պատերազմական գործողութիւնները վրացիների և հայերի միջև պէտք է անմիջապէս դադարեցնեն և բրիտանական ու Փրանսական բանակների սպաններից բաղկացած մի յանձնաժողով՝ ուղեկցութեամբ վրաց կառավարութեան ներկայացուցիչների՝ կը մեկնի ճակատ՝ բացատրելու համար համաձայնութեան մանրամասնութիւնները և հսկելու նրանց իրականացման վրա՝ համաձայն ներքոյ ստորագրեալների կողմից Երևան ուղարկւած հեռագրի»:

Այս համաձայնութիւնը կնքելիս ներկայ էր և Հայաստանի ներկայացուցիչ Ա. Զամալեանը, որը մերժեց ստորագրել՝ բողոքելով. մասնաւորապէս, Ախալքալաքի գաւառին վերաբերող մասի դէմ: Այդ պատճառով համաձայնագրի տակ, Ռայկրոֆտն ու Շարդինին աւելացրին, թէ՛ «Պ. Զամալեանը համաձայն չէ Ախալքալաքի գաւառը Վրաստանի կողմից զբաւելու կէտին»:

Նոյն օրը Երևան ուղարկւեց հետեւեալ հեռագիրը. «Ներկայումս